



XUNTA DE GALICIA

PRESIDENCIA

Secretaría Xeral para o Deporte

CENTRO GALEGO DE TECNIFICACIÓN DEPORTIVA

Padre Fernando Olmedo, 1 - 36002 - PONTEVEDRA

Telef.: 986.854.437 - 986.857.758-Fax: 986.847.510

Correo Electrónico: cgtd@xunta.es

**CONVOCATORIA DOS PROGRAMAS DE TECNIFICACIÓN E RENDEMENTO DEPORTIVO NO
CENTRO GALEGO DE TECNIFICACIÓN DEPORTIVA
CURSO 2010/11**

1 DE XUÑO DE 2010



1. DOCUMENTACIÓN E PLAZOS:

- 1.1. As federacións deportivas que soliciten ter un grupo de adestramento de Tecnificación deportiva ou de Rendemento deportivo no Centro Galego de Tecnificación Deportiva (CGTD) para o vindeiro curso 2010/11, deberán presentar no CGTD **antes das 14:00h. do 30 de xullo**, a súa solicitude.
- 1.2. Toda a documentación desta convocatoria atópase na páxina web www.deportegalego.es, no apartado *CGTD*. Tamén poderase recoller no propio CGTD así como na Secretaría Xeral para o Deporte.
- 1.3. Tódolos documentos serán orixinais.
- 1.4. A Secretaría Xeral para o Deporte ditará resolución nun prazo máximo de 15 días hábiles dende a data límite para a presentación da documentación requirida.
- 1.5. Os programas poderán ser revogados ao longo do curso, nas seguintes circunstancias:
 - a. A instancia do presidente da federación galega correspondente, co acordo da assemblea xeral da súa federación.
 - b. Por resolución do Secretario Xeral para o Deporte, tralo trámite de audiencia ao presidente da federación galega correspondente, polo incumprimento grave das obrigas reflectadas nesta convocatoria e/ou no regulamento de réxime interno do centro.
- 1.6. A solicitude presentárase segundo a instancia recollida no anexo I.
- 1.7. Deberá achegarse a seguinte documentación:

DOCUMENTACIÓN	UNIDADES
Anexo I: Solicitude de renovación do programa de tecnificación e/ou rendemento.	1
Anexo II: Memoria do curso 2009/2010.	1
Anexo III: Proxecto de tecnificación e/ou de rendemento para o curso 2010/11.	1
Anexo IV: Proposta do equipo técnico.	1 por persoa
Anexo V: Adestrador responsable: declaración de non incompatibilidade.	1
Anexo VI: Adestrador responsable: coñecemento das súas funcións.	1
Anexo VII: Persoal de apoio ao equipo técnico: coñecemento das súas funcións.	1 por persoa
Anexo VIII: Valoración técnica dos deportistas.	1 por persoa



2. EQUIPO TÉCNICO:

- 2.1. O equipo técnico estará formado por:
 - a. Un adestrador responsable do grupo.
 - b. Un adestrador substituto.
 - c. Un ou varios adestradores de apoio.
 - d. Outro persoal de apoio.
- 2.2. Os postos reflectados nos apartados **a** e **b** do punto anterior, son obrigatorios.
- 2.3. O equipo técnico deberá ser único para os grupos de tecnificación e de rendemento.
- 2.4. O adestrador responsable do grupo de adestramento do CGTD ten a máxima responsabilidade do grupo de adestramento. Requisitos:
 - a. Titulación: Licenciado en Ciencias da Actividade Física e o Deporte, ou título de Técnico Deportivo Superior, ou Adestrador Deportivo de Nivel III ou equivalente da modalidade deportiva correspondente.
 - b. Experiencia: acreditar un mínimo de 3 anos como adestrador.
 - c. Non estar afectado por incompatibilidade.
- 2.5. O adestrador substituto: ten a responsabilidade do grupo de adestramento en ausencia do adestrador responsable. Requisitos:
 - a. Titulación: Licenciado en Ciencias da Actividade Física e o Deporte, ou título de Técnico Deportivo Superior, ou Adestrador Deportivo de Nivel III ou equivalente da modalidade deportiva correspondente.
 - b. Experiencia: acreditar un mínimo de 3 anos como adestrador.
 - c. Non estar afectado por incompatibilidade.
- 2.6. Os adestradores de apoio: farán tarefas de axuda e apoio ao grupo de adestramento. A súa titulación deberá axustarse aos requisitos esixidos no exercicio das súas funcións dentro do programa.
- 2.7. A federación indicará quen é o técnico con maior responsabilidade nos programas de tecnificación e rendemento da federación, director técnico ou outro, pertenza ou non ao equipo técnico do CGTD.
- 2.8. Os membros do equipo técnico non poderán adestrar a outros deportistas no horario do grupo de adestramento do CGTD.
- 2.9. A Secretaría Xeral para o Deporte poderá desestimar a proposta do responsable dos programas e/ou doutros membros do equipo técnico feita pola federación deportiva que solicita a autorización, fundamentando a súa decisión no incumprimento dalgún dos requisitos anteriores, ou na falta de compromiso co proxecto educativo do centro.
- 2.10. A relación laboral entre os membros do equipo técnico e a federación deportiva da que dependen, deberá axustarse en todo momento á lexislación laboral vixente.



3. DEPORTISTAS:

- 3.1. Os deportistas deberán ser avaliados polos responsables técnicos da federación deportiva encargada do programa.
- 3.2. A relación de deportistas deberá incluír tanto aos deportistas renovados coma aos de nova incorporación.
- 3.3. Os deportistas tamén poderán ser propostos pola Secretaría Xeral para o Deporte, para formar parte do programa de tecnificación ou do de rendemento deportivo.
- 3.4. Os deportistas deberán ter residencia en Galicia e/ou licenza nun club galego expedida pola federación correspondente. Admitiranse excepcións que non cumpran estes requisitos no grupo Élite.
- 3.5. Os deportistas con praza de Residencia ou de Externo 1, deberán ter promocionado de curso.

4. TIPOS DE PRAZA:

- 4.1. **Para o grupo de Tecnificación:** deportistas que fagan 15, 16, 17 ou 18 anos no 2011 (nados nos anos 1993, 1994, 1995 e 1996).

Praza de Residente: residentes fóra do Concello de Pontevedra ou concellos próximos.

Beneficios da praza: matrícula no IES adscrito ao centro, aloxamento e manutención completa na residencia, servizo de lavandería, incorporación ao grupo de adestramento da súa modalidade, servizo médico-deportivo, servizo de fisioterapia e titoría.

Praza de Externo 1: residentes no Concello de Pontevedra ou concellos próximos.

Beneficios da praza: matrícula no IES adscrito ao centro, xantar no comedor da residencia, incorporación ao grupo de adestramento da súa modalidade, servizo médico-deportivo, servizo de fisioterapia e titoría.

- 4.2. **Para o grupo de Rendemento:** deportistas que fagan de 19 a 25 anos no 2011 (do ano 1986 ao 1992).

Praza de Externo 2: para deportistas participantes no Cto. do Mundo ou de Europa nos anos 2009 ou 2010.

Beneficios da praza: xantar no comedor da residencia, incorporación ao grupo de adestramento da súa modalidade, servizo médico-deportivo e servizo de fisioterapia.

Praza de Externo 3: para deportistas que residan fóra do seu entorno familiar e acrediten resultados deportivos de alto nivel no Cto. de España.

Beneficios da praza: incorporación ao grupo de adestramento da súa modalidade, servizo médico-deportivo e servizo de fisioterapia.



4.3. **Outro tipo de praza:**

Élite: para deportistas con participación nos últimos XXOO, Xogos Paralímpicos, Ctos. do Mundo ou de Europa de categoría absoluta, e/ou que fose convocado pola selección nacional no ano 2010.

Beneficios da praza: xantar no comedor da residencia, instalacións deportivas, servizo médico-deportivo e servizo de fisioterapia.

5. **NÚMERO DE PRAZAS:**

5.1. Convócanse un máximo de 180 prazas:

- Ata 90 prazas de Residente
- Ata 10 prazas de Externo 1
- Ata 30 prazas de Externo 2
- Ata 30 prazas de Externo 3
- Ata 20 prazas de Élite

5.2. A Secretaría Xeral para o Deporte, vista a proposta da comisión de selección, poderá cubrir ou non a totalidade das prazas ofertadas, en función do grao de cumprimento dos requisitos propostos para cada perfil.

6. **COMISIÓNS DE ANÁLISE:**

6.1. Haberá unha por cada federación galega que solicite a renovación do seu programa e estará formada por:

- a. Xefe do servizo de coordinación deportiva da Secretaría Xeral para o Deporte, ou persoa en quen delegue.
- b. Directora do CGTD.
- c. Subdirectora do CGTD.
- d. Presidente da federación galega correspondente.
- e. Director técnico da federación galega correspondente.
- f. Un técnico deportivo da Secretaría Xeral para o Deporte.

6.2. Funcións:

- Analizar a documentación presentada pola federación.
- Comprobar o cumprimento dos diferentes aspectos da convocatoria.
- Chegar a un acordo provisional na asignación das prazas, que será proposto á comisión de selección.

7. COMISIÓN DE SELECCIÓN:

7.1. Estará formada por:

- a. Subdirectora Xeral para o deporte.
- b. Xefe do servizo de coordinación deportiva da Secretaría Xeral para o Deporte, ou persoa en quen delegue.
- c. Directora do CGTD.
- d. Subdirectora do CGTD.
- e. Un técnico deportivo da Secretaría Xeral para o Deporte.

7.2. Funcións:

- Valorar as propostas das comisións de análise.
- Elevar ao Secretario Xeral para o Deporte a proposta de renovación ou de rexeitamento dos programas presentados polas federacións.
- Elevar ao Secretario Xeral para o Deporte a proposta de asignación de prazas. Para esta proposta valoraranse:
 - As prazas actuais de cada modalidade deportiva.
 - Os programas propostos polas federacións.
 - As propostas de asignación de prazas das diferentes comisións de análise.
 - Os resultados deportivos de cada modalidade, valorando o número de participantes e as licenzas da modalidade.

Santiago a 1 de xuño de 2010

José Ramón Lete Lasa
Secretario Xeral para o Deporte